

故宮珍本叢刊

日講書經解義·無逸

等四種

故宮博物院編 海南出版社

故宮珍本叢刊第 008 冊經部書類

故宮博物院編

日講書經解義

洛書洪範解 無逸

禹貢地名集說

海南出版社



圖書在版編目(CIP)數據

日講書經解義/(清)庫勒納葉等撰. —影印本. —海口:海南出版社, 2000. 10

(故宮珍本叢刊. 經部九類. 書)

本書與“洛書洪範解/(清)卿彬撰·無逸/不著撰者姓名·禹貢地名集說/(清)洪符孫撰”合訂

ISBN 7-80645-739-9

I. 日… II. 庫… III. 尚書-研究 IV. Z121.7

中國版本圖書館 CIP 數據核字(2000)第 41638 號

故宮珍本叢刊第 008 冊

經部·書

日講書經解義 洛書洪範解 無逸 禹貢地名集說

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:27 印數:1-400 冊

ISBN 7-80645-739-9/Z·17

定價:5120 元(經部九類 62 種共 31 冊)

本書如有印裝質量方面問題請與我社或承印廠聯係

我社爲本書每冊(種)書新編的目錄均置於每冊書末

御製日講書經解義

序

天生民而立之君
非特予以崇高富

御製日講書經解義序

一

貴之具而已固將
副教養之責使四
海九州無一夫不
獲其所也是故古

之帝王奉若天道

建都樹屏以立其
綱設官置吏以張
其紀經天緯地以

御製日講書經解義序

二

盡其才親親尊賢
以弘其業黎民阻
饑而爲之教稼五
品不遜而爲之明

倫爲禮樂以導其
中和爲兵刑以息
其爭訟事未然而
預爲之備患已至

御製日講書經解義序

三

而亟爲之驅蓋治
天下之法見于虞
夏商周之書其詳
且密如此宜其克

享天心而致時雍
太和之效也所以
然者蓋有心法以
爲治法之本焉所

御製日講書經解義序

四

謂敬也誠也中也
敬則神明有主而
物欲不能搖誠則
孚信在中而僞巧

不能間中則公正

無偏而衷說不能

移凡書中曰欽明

曰寅恭曰祗懼曰

御製日講書經解義序

五

迪畏皆敬之屬也

曰允塞曰至誠曰

一德曰惇信皆誠

之屬也曰義制事

禮制心曰沉潛剛

克高明柔克曰寬

而有制從容以和

皆中之屬也性之

御製日講書經解義序

六

者爲堯舜禹文身

之者爲湯武高宗

困而學之者爲太

甲成王惇而去之

者爲太康桀紂鳴
呼心法之存亾治
道之升降分焉天
命之去畱繫焉曷

御製日講書經解義序

七

其柰何弗鑒朕萬
幾餘暇讀四代之
書惕若恐懼爰命
儒臣取漢宋以來

諸家之說薈萃折
衷著爲講義一十
三卷逐日進講茲
特加鈐梓頒示臣

御製日講書經解義序

八

民俾知朕仰法前
代聖王志勤道遠
然夙夜兢兢思體
諸身心措諸政治

以毋負上天立君
之意夫豈敢一日
忘哉是爲序

御製日講書經解義序

九

康熙十九年四月
十二日

日講書經解義進

呈疏

經筵日講官起居注翰林院掌院學士兼禮部侍郎敦敏黑臺臣庫勒納

經筵日講官起居注翰林院掌院學士兼禮部侍郎敦敏黑臺臣葉方蘭等謹

題爲進

呈刊完日講書經解義仰祈

聖鑒事臣等於康熙十七年二月初二日奉

旨爾衙門四書講章刊完可卽將書經講章刊

刻欽此臣等忝廁禁近日侍

日講書經解義進呈疏

一

講筵伏覲

皇上

睿學崇深

宸修遜敏窮聖賢之閫奧滙治教之源流邇者

日講四書解義刊刻告成

普賜臣工頒行中外固已人需

文德戶佩

敬思尤以尚書爲道法之大原帝王之弘訓

研稽務悉討論宜詳每當進講之時必

天語親爲闡釋凡此精微之蘊在

聖衷畢屬融通踐於身心發爲政事時幾是勅

卽哲后奉若之誠欽恤頻行乃聖帝好生

之德賑災贍乏無非堯咨舜徵之懷伐叛

安民不異禹誓湯征之道此蓋

聰明性直

懋迪功隆實有得于典謨訓誥之中故能措

諸天下國家之際恭蒙

綸言下布命以講義校鑄仰見

日講書經解義進呈疏

二

皇上體道愈勤訓行愈廣以作君兼作師之統

卽成物完成已之功臣等學術迂疎見聞

淺陋測蠡窺管勉思發明先聖之傳訂異

叅同惟是竊取諸儒之義庶藉槩鉛之役

少抒獻納之忱謹効編摩復加刪潤彙梓

成帙裝潢進

呈惟我

皇上時置座隅恒資省覽存之精一以執厥中

敷之蕩平以建有極監無逸之義而迪哲

以知依誦立政之篇而用人皆常吉將見

已治益臻于治已安益進於安莫萬年垂

裕之基被四表光華之烈臣等不勝區區

之願謹具題恭

進以

聞

經筵官起居注翰林院侍讀學士兼禮部侍郎教習庶吉士臣庫勒納

經筵官起居注翰林院侍讀學士兼禮部侍郎教習庶吉士臣葉方謨

日講官起居注翰林院侍讀學士加二級臣蔣弘道

日講書經解義進呈疏

三

日講官起居注翰林院侍讀學士食正四品俸臣張英

經筵官起居注翰林院侍讀學士奉政大夫臣牛鈕

日講官起居注翰林院侍讀學士奉政大夫臣常書

日講官起居注翰林院侍講學士食正四品俸臣崔蔚林

日講官起居注翰林院侍講學士奉政大夫臣嚴我斯

日講官起居注翰林院侍講學士臣朱馬泰

康熙十九年四月十三日具

題本月二十日奉

旨尚書紀載帝王道法關切至理朕畱心研究

期於貫通講幄諸臣講解明晰深於典學有
裨這所奏知道了着刊刻頒行該衙門知道

日講書經解義進呈疏

四

總裁官

經筵日講官起居注翰林院掌院學士兼禮部侍郎詹事府詹事

經筵日講官起居注翰林院掌院學士兼禮部侍郎詹事府詹事

分撰官

通議大夫日講官起居注詹事府詹事

日講官起居注詹事府詹事兼翰林院侍讀學士加一級

日講官起居注翰林院侍讀學士加二級

日講官起居注翰林院侍讀學士食正四品俸

經筵日講官起居注翰林院侍讀學士奉政大夫

官銜

日講官起居注翰林院侍讀學士奉政大夫

日講官起居注翰林院侍讀學士食正四品俸

日講官起居注翰林院侍讀學士奉政大夫

日講官起居注翰林院侍講學士

日講官起居注左春坊左庶子兼翰林院侍讀

日講官起居注翰林院侍讀

日講官起居注翰林院侍講

日講官起居注翰林院侍講

校閱官

翰林院侍讀學士加二級通議大夫傅騰塔	翰林院侍講學士加一級多奇	翰林院侍讀朱典	翰林院侍讀加二級奉政大夫周山	翰林院侍講奉政大夫鄒黑	左春坊左諭德兼翰林院修撰祖文謨	右春坊右諭德兼翰林院修撰孟亮揆	左春坊左贊善兼翰林院檢討陳論	翰林院編修加一級儒林郎顧汧	翰林院檢討加一級文林郎沈上塘	翰林院檢討加一級文林郎王方	翰林院編修彭會洪	翰林院編修高爵	收掌官	翰林院典簿加一級文林郎明輔	翰林院典簿穆惟乾	翰林院孔目加一級文林郎圖克善	翰林院孔目杜登春
-------------------	--------------	---------	----------------	-------------	-----------------	-----------------	----------------	---------------	----------------	---------------	----------	---------	-----	---------------	----------	----------------	----------

翰林院筆帖式哈桑	翰林院筆帖式慶隆	翻譯官	翰林院待詔加一級登仕郎敦代	翰林院七品筆帖式加一級承德郎那麟	翰林院七品筆帖式加一級承德郎傅理	翰林院七品筆帖式加一級承德郎宜爾彩	翰林院七品筆帖式喀拜	翰林院八品筆帖式加一級承德郎剛五達	翰林院八品筆帖式加一級文林郎郭環	翰林院八品筆帖式加一級文林郎常綬	翰林院八品筆帖式加一級文林郎石殿桂	翰林院八品筆帖式查哈喇	翰林院八品筆帖式阿哈達	翰林院八品筆帖式黑色	翰林院筆帖式邁寧大	翰林院筆帖式張仲智	翰林院筆帖式蘭起元
----------	----------	-----	---------------	------------------	------------------	-------------------	------------	-------------------	------------------	------------------	-------------------	-------------	-------------	------------	-----------	-----------	-----------

翰林院筆帖

式臣潘世勳

翰林院筆帖

式臣手有慶

滿文謄錄官

翰林院八品筆帖式加一級文林郎臣安著

翰林院八品筆帖式加一級文林郎臣圖禮

翰林院八品筆帖式加一級文林郎臣滿都

翰林院八品筆帖式臣常保

翰林院八品筆帖式臣塔哈納

翰林院八品筆帖式臣宋鳳

翰林院筆帖

式臣蘇通保

官銜

四

日講書經解義卷之一

虞書

虞是帝舜有天下之號。書共五篇。堯典紀唐堯之事。亦謂之虞書者。書本虞史所作。以臣述君也。蓋堯舜授受一道。紀堯不言唐。紀禹不言夏。而總曰虞書者。以見舜之上承于堯。而下授于禹也。

堯典

洪荒之世。簡樸未備。堯以聖神文武之德。爲

日講書經解義卷之一

一

開天立極之君。因時致治。著見功跡。可爲後世常法。故以典名之。實萬古君道之標準也。曰若稽古帝堯。曰放勳。欽明文思安安。允恭克讓。光被四表。格于上下。

此一節書。是史臣首贊帝堯德業之盛也。曰若是發語之辭。稽猶考也。放至也。勳功業。欽心之敬明。心之通。經緯燦然謂之文。哲謀獨運。謂之思。允信也。克能也。光德之顯。被及也。四表。猶言四方。格極其所至也。上下。卽天地。

也。史臣稽考古之帝堯功業廣大無所不至。故謂之放勳。然而功本于德。堯之德欽敬無有慢忽。通明無不照灼。文章著見。思慮深遠。此四者皆出于自然。安而又安。無所勉強。其德之出于性也如此。所以恭以持己。毫無虛假。信乎恭也。讓以接物。毫無矯飾。自能讓也。其德之著于行也又如此。有此盛德發爲光輝。凡東西南北無有不及。上天下地無有不到。無處非勳。正無處非德耳。蓋洪荒以來。伏

日講書經解義卷之一

二

羲神農黃帝諸大聖人。皆功在天下萬世。然功德極盛。莫過于堯。究之帝堯之功本于德。帝堯之德主于敬。史臣首以欽之一字爲言。實千古帝王心法之要。孔子刪書斷自唐虞。其以此也與。

克明俊德。以親九族。九族既睦。平章百姓。百姓昭明。協和萬邦。黎民於變時雍。

此一節書見放勳之實也。俊德大德也。九族高祖以下九世之親睦者。交相和也。不均也。

章明也。協解作合。於嘆美辭。變化而爲善。時猶言是雍和也。史臣謂夫德性在人。萬理咸備。本自峻大。但爲物欲所蔽。則狹隘而不弘。惟堯能明其大德。純乎天理。湛然無累。大德既明。則身無不修。而萬化之本立矣。由是推此德以親愛九族。九族皆知恩義和睦而無乖戾。是勳放于家矣。百姓氣稟不齊。均以此德章之。畿內百姓皆感動興起。昭然各明其固有之德。是勳放于國矣。萬邦風氣不一。總以此德和之。黎民美哉。變惡爲善。熙皞成俗。是勳放于天下矣。所謂放勳之實如此。蓋有此德之全體。卽有此德之大用。一人修身于上。而齊治均平。遂可還至立效。舉萬類紛紜。無不盡在春風和氣之中。勳業爛然。夏絕百代。非甚盛德孰能當此者乎。

日講書經解義卷之一

三

乃命羲和。欽若昊天。曆象日月星辰。敬授人時。此一節書是史臣記堯功德之後。因敘堯之政事。而首言命官造曆也。羲和掌天文之官。

若順也。晁言其廣大。曆者紀數之書。象者觀天之器。帝堯以事之最大最先。莫過治曆明時。乃總命羲氏和氏二人。以爲日月星辰運于昊天有常數。麗于昊天有定象。汝等須加意敬謹。順其自然之理。不可妄意穿鑿。凡遲速順逆。書以記之。而布算以總其實。積分以歸其餘。躔度次舍。器以象之。而設璣以載其政。置管以窺其行。如是。則紀數有書。觀天有器。而人時定矣。又必慎重其事。頒之有司。布

日講書經解義卷之一

四

之百姓。使知因天時之早晚。爲人事之先後。誠以授時爲民事之所關。不可忽也。蓋聖人。事天治民。不出欽敬之心而已。敬天之心。嚴于曆象。勤民之心。嚴于授時。聖人于事。何往不敬。而况于事天治民之大者乎。故曰。帝王以敬爲修身出治之本。

分命羲仲。宅嵎夷。曰暘谷。寅賓出日。平秩東作。日中星鳥。以殷仲春。厥民析。鳥獸孳尾。

此下四節言曆既成。而又分職以考驗之。此

節是命春官也。宅。卽居嵎夷。東表之地。在今山東登州府暘谷所居官次之名。寅賓。敬以迎之。如賓也。平均平秩。次序也。東作。春作也。日中者。春分晝夜適中。星鳥者。南方朱鳥七宿殷中也。析。散處也。孳。物之生。尾物之交也。春當發生。宣布四方之春令。帝堯分命羲仲。掌之。測候之所。在嵎夷東表之地。其官次之名稱爲暘谷。羲仲居此。果何事哉。一春之節。氣早晚。日星民物。曆已載矣。于春分之旦。初

日講書經解義卷之一

五

出之日。必致敬以迎之。如見賓而不敢忽。察所出之景。果見于卯位。出于卯時否也。凡春月歲功方興。所當作起之事。必均平周徧。序其先後之宜。頒之有司。考其果與曆合否也。又必考之春分晝日之晷度。果五十刻于夏永冬短爲適中否。考之春分初昏之時。果南方朱鳥七宿適當午位否。二者相合。可見仲春爲陽氣之中矣。于一春之三月。又驗之于民果皆分析散處。非復隆寒聚室。則氣之溫

可知。又驗之于物果皆乳化交接生育以時。非復嚴冬藏蟄則氣之和可知。仰觀天文俯察民物如是而春曆無差義仲之職盡矣。

申命義叔宅南交。平秩南訛。敬致日永星火。以正仲夏。厥民因鳥獸希革。

此一節書是命夏官也。申命重命也。南交交趾之地。南交下常有日明都三字。訛變化之意。敬致者敬以伺日景也。火大火心星。因因春之析而愈散處也。希毛疎革毛易也。夏當

日講書經解義卷之一

六

長養。宣布四方之夏令。帝堯重命義叔掌之。使居南方交趾之地。官次之名稱爲明都。義叔居此。果何事哉。一夏之節氣早晚。日星民物曆已載矣。當夏月時物長盛。所當變化之事。必均平周徧。次其先後之宜。頒之有司。考其果與曆合否也。又考之于夏至之日。中立土圭之法。伺日行之中天。而察其晷景之長短。又考之于夏至晝日之晷度。果六十刻爲最長否。考之于夏至初昏之時。果大火心宿

見于正南否。二者相合。可見仲夏得正陽之氣矣。于一夏之中。又驗之于民。因其析而又析。氣之愈溫可知。驗之于物。毛漸希而革易。氣之愈熱可知。如是而夏曆無差。義叔之職盡矣。

分命和仲。宅西。日昧谷。寅餞納日。平秩西成。宵中。星虛。以殷仲秋。厥民夷。鳥獸毛毳。

此一節書是命秋官也。寅餞敬以送之也。納者日將入也。酉成秋成也。宵中者秋分晝夜

日講書經解義卷之一

七

適中。虛北方虛星。夷人氣舒平也。毛毳毛更生而鮮潤也。秋當成實。宣布四方之秋令。帝堯分命和仲掌之。測候之所在西極之地。官次之名稱爲昧谷。和仲居此。果何事哉。一秋之節氣早晚。日星民物曆已載矣。于秋分之暮。將入之日。必致敬而送之。如祖餞而不敢忽。察其所入之景。果于酉位酉時否也。凡秋月物成之候。所當成就之事。必均平周徧。次其先後之宜。布之有司。考其果與曆合否也。

又考之于秋分夜間之晷度。果五十刻。于夏永冬短爲適中否。考之秋分初昏之時。果虛星適當午位否。二者相合。可見仲秋爲陰氣之中矣。于一秋之間。又驗之于民果暑退而人氣和平。驗之于物果毛落而潤澤鮮好。如是而秋曆無差。和仲之職盡矣。

申命和叔宅朔方。曰幽都。平在朔易。日短星昴以正仲冬。厥民隩。鳥獸氄毛。

此一節書是命冬官也。朔方卽北方。在察也。

日講書經解義卷之一

八

朔易冬月所改易之事。昴西方昴宿。隩室內深奧之處。氄毛毳細而溫也。冬爲閉藏宜布四方之冬令。帝堯申命和叔掌之。使居北方之地。其官次之名稱爲幽都。和叔居此。果何事哉。一冬之節氣早晚。日星民物曆已載矣。當冬月歲功已畢。所當變舊爲新之事。必均平周徧審察其先後之宜。頒之有司。考其果與曆合否也。又考之于冬至晝間之晷度。果四十刻爲最短否。考之于冬至初昏之星果

昴宿見于正南否。二者相合。可見仲冬得正陰之氣矣。于一冬之間。又驗之于民果氣寒而群居室內。又驗之于物果生與毳細毛。而有以自溫。如是而冬曆無差。和叔之職盡矣。蓋堯旣總命羲和造曆制器。而又分職申布使之隨時考驗。其要在測日景度日晷。驗中星定二分二至之氣。以正四時之序。故先天而天不違。後天而奉天時。敬天之心。一勤民之心也。

日講書經解義卷之一

九

帝曰。咨。汝羲暨和。朞三百有六旬有六日。以閏月定四時成歲。允釐百工。庶績咸熙。

此一節書是言置閏爲作曆之要也。咨歎而告之之辭。釐治也。百工卽百官。庶績衆功也。熙廣也。帝堯旣命羲和造曆分方考驗。又告之曰。嗟。汝羲氏和氏。旣受命作曆。當知置閏之法。每歲十二月。每月三十日。三百六十者。一歲之常數也。使六旬之外無餘日。三十之月無大小。何須置閏。但周天三百六十五度。

四分度之一。天道左旋。日月亦左旋。天行健。日繞地一周。而過一度。日之行。亦繞地一周。而不及天一度。積三百六十有六日。而日與天復于初起之度相值。時序節候。方爲一周。所謂朞也。以朞之數合于歲。則天日之會。其氣常盈而多五日有奇矣。月之行。一日常不及天十三度有奇。積二十九日有奇。而日與月復于初起之度相值。一歲之閒。月與日十二會。而必有六月之小盡。以歲之數合于朞。則日月之會。其朔常虛而少五日有奇矣。合氣盈朔虛。每歲常餘出十日有奇。若不置閏。則歲之那移久而愈差矣。所以將此餘日。置爲閏月。三歲一閏。五歲再閏。十有九歲七閏。盈者分爲餘數。而不使過。虛者記爲實數。而不使不及。氣朔分齊。然後四時不差。而歲功得成。造曆旣成。頒行天下。以此信治百官。使有所遵守。凡作訛成易。以至慶賞刑威。莫不以時舉行。而衆功自能熙廣。豈非置閏之爲

日講書經解義卷之一

十

要哉。蓋作曆之法。旣考分至之一定。又齊時月之參差。時定歲成。則節候不爽。寒暑無易。百官萬民。咸知因時趨事。政令畢舉。而治道備矣。故唐虞之人治。皆天治也。

帝曰。疇咨若時登庸。放齊曰。胤子朱啓明。帝曰。疇咨可乎。

日講書經解義卷之一

十一

此一節書。是求總治之職也。疇解作誰。訪問曰咨。任用曰庸。放齊。臣名。朱。丹朱。堯之嗣子。啓明。開明也。吁。嘆其不然也。言不忠信曰嚚。爭辯曰訟。帝堯問群臣曰。今日者。風氣漸開。人文已著。裁成輔相。當盡其道。經綸調燮。務得其人。誰能爲我訪求。順時爲治之人。進而用之。以任斯職也。放齊對曰。帝之嗣子。丹朱。心性開通。明哲可以登用。堯嘆其不然曰。吁。丹朱爲人。口不道忠信之言。又好與人爭辯。曲直有開明之才。用之于不善。若人而使之秉掌國鈞。方將作聰明以亂舊章。豈可登用乎。蓋帝王出治。知人爲要。論道經邦之任。必